

R 425
H815
13511

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第一三八號

據

清·汪坤厚修，張雲望纂
光緒五年刊本

影印

江蘇省

婁縣續志

(一)

成文出版社有限公司印行



中國方志叢書·華中地方·第一三八號

據

清·汪坤厚修，張雲望纂
光緒五年刊本


影印

江蘇省

婁縣續志

(二)

成文出版社有限公司印行



10096385

中國方志叢書·華中地方·第一三八號

據

清·汪坤厚修，張雲望纂
光緒五年刊本

影印

江蘇省

婁縣續志

(三)

成文出版社有限公司印行



P 429
H811

docsriver 文川网
入驻商家 古籍书城

在文川网搜索古籍书城 获取更多电子书

中華民國六十三年六月壹一版

婁縣續志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

光緒丁丑年編

婁縣續志

婁縣續志沈序

光緒二年婁縣重修邑志成縣令程君其珏舉其舊以請曰婁志舊出陸耳山體例謹嚴採取賅備今志因之者多其較前志加詳者曰賦稅曰節義曰學校蓋叙其義以示來茲余惟前明吳賦之重甲天下婁其一也我朝休養生息一再議減而未已固各大吏宣

上德達下情然非

國家深仁厚澤烏可望也粵匪事起婁被蹂躪其時抗賊而死者雖婦人孺子咸致命遂志相戒以草間偷活爲恥蓋

德意之涵濡久矣饑食渴飲習而忘之一旦猝被兵革

乃知吾祖若父以養以誨以長我子孫者悉出
高厚覆幬之賜忠義之氣有勃勃不可遏抑者矣抑又
聞之士習與民風相表裏者也書院卽鄉學遺意儲才
寬則收效遠今日之士皆異日之臨民者也諸生以時
絃誦揖讓其中必知

朝廷之待士者實別異於凡庶而因深思夫

君上興養立教之意學古入官克自樹立無爲邑中婦
孺羞俾後之秉筆者有所取以潤色是篇庶乎得之矣
光緒戊寅夏五督江使者侯官沈葆楨謹敘



婁縣續志叙

順治十三年析圍婁縣婁與華
亭同爲附郭邑而郡城以內之
地婁不及三之一雍正開析婁
所屬一鄉及三鄉之半立金山
縣今因之歷久未有專志至乾
隆五十三年知縣謝庭薰創纂

志書延陸耳山先生任其事頗
稱完善嗣是無續之者百餘年
來制度典章不無沿革中經兵
燹徵信爲難今牧令程君其珏
承脩邑志董勸紳士纂輯采訪
不遺餘力書成請序於余取閱

之乾隆以前大率因沈志之舊
以後於賦役一門大加詳焉松
郡田賦繁重疊次減裁原委悉
備粵寇之亂致命遂志者未易
更僕數茲亦一一載人於
聖朝深仁厚澤維持風化之意

不無小補云

炎緒五年歲次己卯二月撫吳
使者吳元炳謹序

婁縣續志勒序

婁縣以順治十三年始割華亭分建婁之有志實始於
乾隆五十三年時知縣事者爲謝公庭薰延請任秉筆
事者耳山陸先生也先生故宿儒淵雅博懿長於史才
疆域不載星野人物不分門目義例極明簡洵善本也
自分建後百三十有餘年而志始作自作志後迄今又
將百年矣而志始修顧前此百三十餘年間海宇承平
重熙累洽士安絃誦民忘耕鑿故閱時雖久而故家遺
俗猶有存者蒐採或易爲力近百年來中經兵燹東南
糜爛民獻凋謝典章零落修志之舉有難於作志十倍
者光緒紀元師武臣力簫勺羣慝寇孽就殄我


皇承緒寰區又安歲乙亥江蘇巡撫吳公有續修通志
之舉檄下郡縣各事採輯蓋深慮兵燹之後人文散佚
失此不修將愈久而愈莫可考也越三年丁丑婁縣志
告成而請序於 方鏞方鏞 不敏何足以辱斯請第念志
書之作也其爲民生

國計所關者莫重於田賦其爲世道人心所繫者莫先
於節義其爲風化之所轉移人材之所培養者莫大於
文教若夫山川之險夷疆里之大小物產之盛衰旣非
月異而歲不同固無事更張爲也是書也於舊志之可
仍者一切因而不改獨於田賦之蠲減則備載原委節
義之奮發則不遺寒微文教之振興則嚴立課程捐給

膏火一一具著於篇俾夫後之來守斯土者慄然知民生

國計之所關世道人心之所繫風化之所由轉移人材之所由培養胥於是乎在而於治道思過半焉是又修志者之初心而方錡尤不能無厚望也已

光緒五年二月江蘇承宣使者勒芳錡序



婁縣續志劉序

凡兩邑共城而治者大抵皆昔合今分雖疆域華離而風土人情要無大異志之者但各紀掌故而已然其書優劣相去往往不可以道里計余獨於華婁二志歎觀美焉往歲春余奉

命攝篆海關備兵蘇松太時各郡縣均有修志之舉而松屬先次第成書來索余叙余次第應之稍後乃及華婁婁之爲縣最古唐析崑山嘉興海鹽置華亭縣崑卽古婁境也

國初復析華亭置婁縣其所得故婁地轉不及十一然則今之婁實與華爲一家但旣自立縣卽宜自有志余

docsriver 文川网
入驻商家 古籍书城

在文川网搜索古籍书城 获取更多电子书

爲華亭尹楊君開第志序極歎舊時王志編纂以上斷
深得志法而新志雖多所增訂亦能實事求是無損前
人之美而相得益彰及觀婁尹程君其珏志畧乃又歎
前後相因彼此相倣分出之則各著其長合校之則並
臻於美有如是夫婁舊志創作於乾隆五十三年出陸
耳山廷尉手今所稱謝志者也廷尉海上宿儒故其爲
書討論淵博體例精嚴如不傳會星野不泛收藝文以
婁析自華紀載易混一切覈其確繫今之婁者而後書
人物自藝術流寓列女方外外不强分門但以時代次
列傳尤合史家義法程君悉因而續之惟田賦節義學
校視舊志爲尤詳亦以事增而文不得故省與華亭新

志同余因此而論之方廷尉之爲婁志也華亭志久廢
缺後三年而王志成所謂以土斷者實發於廷尉王特
因之又加嚴焉而楊君復取其列傳之法以稍變王志
之例是華亭新舊二志之美未嘗不兼倣婁志也而王
氏舊以水利海塘田賦繫

國計民生之重論載不厭其繁故新志亦踵增之今程
君之志田賦無異華亭婁故無海塘乃更加意於節義
學校蓋所以維風教培人才雖非婁所獨有然兵燹以
來忠烈之見於婁者較多闡揚不可不至而分俸課士
宏獎風流尤君所懃懃懇懇以期後人之承而不廢者
是前後相因之際固非必有意於倣華志而各著其長

並臻於美實不相謀而適相成也嗚呼志也者爲治之譜也豈直文字哉然余觀自來志家動輒以後詆前而同時相則倣者尤不可得彼固謂非苛摘人短無以自表暴也嗚呼其於文字如此卽其爲治已可概見今程君由舊史氏出爲邑大夫肫然以興養承教爲先務及其爲志也又欲然不以史才自多而惟善之從如此則其與楊君共城而治必能相規相勉以底於德化之成可拭目俟也書曰同寅協恭和衷哉余於程君之志規之因書其意爲序且以諭他守令之方有事於志者

光緒四年戊寅正月布政使銜署理蘇松太兵備道海關監督貴池劉瑞芬序

續修婁縣志趙敘

賦稅者國用之所由出也節義者人紀之所由立也學校者士品之所由植也賦稅不詳則猾吏無以懲其奸節義不尊則編氓無以興其感學校不重則寒畯無以受其惠之三者皆一邑最要之政而修邑乘者所萬萬不可稍畧者也茲於婁縣續修志得之婁縣本華亭地國朝順治十三年始析爲縣乾隆間知縣事謝公勗縣志之舉今將百年而重修之余方自京口移守來此婁邑令宜黃程君以志稿示余且請序余受而讀之亟爲稱善蓋斯志於賦稅節義學校特爲加意較舊志詳而又詳焉蘇松賦重他郡自明已然邇來疊次酌減著爲

成例然吏胥往往緣以爲奸實惠未必在民斯志於婁
賦舊者如干新者如干一一載入不憚其繁而後吏胥
不得而重輕其間矣粵寇之難邑之以身殉者甚衆斯
志旁摻博采悉著於篇此不獨忠臣義士節婦烈女之
貞魂毅魄永賴以慰而風教之維持實繫乎此矣邑之
有書院也與學校相表裏者也程君於月課小課外設
署中會課以試肄業生又設登瀛會課以專試孝廉斯
志備載之俾後之宰斯邑者踵而行之則所以嘉惠士
林者歷久不懈而士氣奮興交勉於砥言礪行以相與
有成且不獨科名之接踵矣舊志成於陸耳山先生之
手先生以宿儒秉筆攷掌故正體例至精至嚴故人物

不分門目疆域不分星野其識有過人者茲志之成程君延吾師張椒巖先生裁定之其鄭重于賦稅節義學校三大端則尤提綱挈領而所見能舉其大卽質之耳山先生當亦引爲同心也余因程君之請重以吾師之命乃不辭而爲之序

光緒戊寅四月署松江府事江蘇鎮江府知府鄞縣趙

佑宸謹敘

上海圖書館藏
書目録
卷之二

惟乙亥夏大吏方檄修邑志
而安与華為松江附郭是
宜首先舉籍以為邑倡
自維藹陋雖游學索師十
年曾不得以科名顯筆墨

之事弥自愧也。然况乎至斯
土夫何敢。存所以地。與之遠
潤。與運之推遷。與夫學校網
帶之無廣。而兵燹以後。里微
文。攷。而呈存者。蓋是志之

失脩久矣乃於公餘之暇
得訪竹街葉岩張君與之上
下其議論因出其所藏明
留心掌故與纂修於史館者有
年爰亟延訂而以其從子丙壽

庶常与貢士蘭圃杜君諸人据
前志而彙輯之副呈而余以因
公古戩建爰於鄉不復与閔閔
己卯夏付御謂余为如事之
人以完稿郵示而問序於余：

於展閱之下見其考凡二十卷
首

宏翰以字宗體制終流之屬方
外以博採人文其間多志与表傳
諸篇莫不法史筆之謹嚴備方

docsriver 文川网
入驻商家 古籍书城

在文川网搜索古籍书城 获取更多电子书

樂之記載如房象於商而水利崇
夫源流紀月編年而祥異皆跡
攷禮以玉學士大夫之著作則類
聚而門亦忠魂毅魄之披羅亦
闡函而微顯麟之炳之蔚然成

考非如事者之幸而亦何必如
事者之幸也 因舉其大畧而
記之

光緒五年歲次己卯前知
事蕭山汪坤厚書